

BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO FINANSIJA
FEDERALNO MINISTARSTVO FINANSIJA
SARAJEVO

BOSNIA AND HERZEGOVINA
FEDERATION OF BOSNIA AND HERZEGOVINA
FEDERAL MINISTRY OF FINANCE
SARAJEVO

Broj : 05/15-sl/09
Sarajevo, 07.04.2009.godine

POREZNA UPRAVA FEDERACIJE BiH
SREDIŠNJI URED
SARAJEVO
Husrefa Redžića 4

Bosna i Hercegovina-FEDERACIJA BOSNE I HERCEGOVINE
FEDERALNO MINISTARSTVO FINANSIJA-FINANSIJA
POREZNA UPRAVA FEDERACIJE BiH
SREDIŠNJI URED
SARAJEVO

PRIMJENI Dok. broj: 05/15-sl/09	17.04.2009	Broj priloga

Predmet: Primjena odredbi Zakona o porezu na dohodak koje se odnose na visinu ličnog odbitka kod plaćanja alimentacije-stav

Poštovani,

U odredbama člana 24. Zakona o porezu na dohodak ("Službene novine Federacije BiH", broj: 10/08) rezidentni porezni obveznici mogu ukupan iznos ostvarenog dohotka umanjiti za osnovni lični odbitak u visini od 3.600,00 KM za porezni period i za lični odbitak po osnovu izdržanih članova uže porodice, i to:

- 0,5 osnovnog ličnog odbitka za izdržavanog bračnog druga,
- **0,5 osnovnog ličnog odbitka člana za izdržavano prvo dijete,**
- **0,7 osnovnog ličnog odbitka za izdržavano drugo dijete,**
- **0,9 osnovnog ličnog odbitka za izdržavano treće i svako sljedeće dijete,**
- 0,3 osnovnog ličnog odbitka za svakog drugog izdržavanog člana uže porodice,
- 0,3 osnovnog ličnog odbitka za utvrđenu vlastitu invalidnost, kao i za utvrđenu invalidnost svakog člana uže porodice koje porezni obveznik izdržava.

Pored toga članom 24. stav 5. Zakona o porezu na dohodak utvrđeno je da se izdržanim članovima uže porodice smatraju i bivši bračni drugi i djeca za koje porezni obveznik plaća alimentaciju.

Prema tome, poreznom obvezniku bez obzira na visinu alimentacije koju plaća za djecu priznaje se lični odbitak i to:

- 0,5 osnovnog ličnog odbitka za izdržavanog bračnog druga,
- 0,5 osnovnog ličnog odbitka člana za izdržavano prvo dijete,
- 0,7 osnovnog ličnog odbitka za izdržavano drugo dijete,
- 0,9 osnovnog ličnog odbitka za izdržavano treće i svako sljedeće dijete.

Kako bi se poreznom obvezniku priznao pravo na lično odbitak za izdržavanu djecu po osnovu alimentacije isti je dužan dostaviti sljedeće dokaze:

- Rješenje nadležnog suda o obavezi plaćanja alimentacije, i
- Potvrdu o mjesečnom plaćanju alimentacije.

Djeca iz ranijeg braka koja žive u zajedničkom domaćinstvu sa jednim od roditelja ne mogu se smatrati izdržanim članovima domaćinstva tog roditelja osim ako prihod od alimentacije svakog djeteta prelazi iznos od 3.600,00 KM godišnje odnosno 300,00 KM mjesečno.

Međutim, ukoliko iznos alimentacije ne prelazi iznos od 3.600,00 KM godišnje pravo na lični odbitak za izdržavanu djecu imaju oba roditelja.

S poštovanjem

